

閩南醫院。係爲漳廈黨政軍各機關要人及商界聞人所組織。籌備已久。現在醫院各部分建築。業已次第竣工。繼續建築費。預算以十萬元爲度。基金則預定二十萬元。應募額數。定爲四十萬元。其募捐辦法分爲三項。一。呈請地方軍政機關就罰款及抄沒逆產項下擴充。二。限定時期。派員分向各地方募集。三。推林在衡。黃思培與廈門中山醫院發起人接洽合作。該院臨時董事爲黃思培。黃澄淵。黃羿住。陳尙德。陳啓裕。陳亮。林在衡。林爾嘉。林爾嘉。林者仁。林秉祥。林學淵。韓文。鄭之翰。劉向榮。常務董事則係公舉黃思培。陳尙德。黃澄淵三人担任。

——禁煙——

▲販土領事被解回國——在美挾帶烟土

之駐美舊金山副領事。高瑛夫婦。乘日輪青陽丸。由美押解來華。六日晨可到滬。滬交涉署及公安局。會派員警往提。即解京由國民政府究辦。國民拒毒會。爲高案發宣言。請國府從嚴懲辦。毋徇情面。爲天下所笑云云。

▲廈門水上公安局本五日又破獲烟土——烟犯吳沉陳長携波斯土由海陽輪運來。公安局據報即派員警預伏輪旁偵察。烟犯覺察投土海中乘船逃至鼓嶼。卒被員警與鼓巡捕攔獲。暫解押工部局。

——廣東飛機隊來廈轉滬——

▲中央航空署長張惠長。率飛機五架。自乘番禺縣二零一號。由粵載十一軍長陳銘樞於二日下午一時半到廈。經廈門各界歡迎。及陳張二氏等。寄寓鼓浪嶼各情。已詳載各報昨(二日)晨六時半。

陳張二氏仍乘原機飛向上海。即又據專電云航空署長張惠長。本定三日率粵飛機隊到滬。因台山號飛機。中途忽發生障礙墜落。故張遂改在杭州停落。至四日下午始抵滬云。

——伍朝樞當選國際聯盟副議長——

▲日內瓦電云國際聯盟第十次大會。二日下午二時開幕。我國代表伍朝樞博士。及英法德日愛斯特尼亞代表六人。當選爲副議長。

——中央——

▲編遣實施之最近進行——編遣會四日電各地黨政機關。於各部隊駐在地。速組裁兵協會。輔助進行。

▲七千萬編遣公債籌法——宋財長定編遣庫券七千萬。由滬銀行團行海外華僑任四千萬。國內閩浙蘇皖贛晉豫魯粵湘

鄂河北等省。分任三千萬元。

▲建委會將開安徽煤礦——建委會。決定本年十二月間。實行開採安徽之懷遠鳳台宿縣三處煤礦。投資一百九十萬元預計全功告成。每年獲利可以超過百萬元。

——最後消息——

▲中俄交涉進展中。俄人在邊境無謀和誠意。一。綏芬河至馬橋河間。時有俄人便衣別動隊發現。二。自五日起。滿洲里扎蘭諾爾等處。時聞砲聲。三。卡倫又爲俄軍佔據。四。俄艦晝夜駛近我江岸示威。並砲擊我街市。

▲盧興邦派陳榮標團。開抵大田堵截共匪外埠函訂郵票代洋十足通用廣告面議（本刊報費每年每份暫定大洋一元）